



**REPUBLIKA E SHQIPËRISË
BASHKIA DIVJAKË
NJËSIA E PROKURIMIT**

Nr. _____ Prot.

Divjakë, më _____._____.2026

**PROCESVERBAL PËR PËRCAKTIMIN E ARSYEVE PËR MOSNDARJEN E
PROCEDURËS SË PROKURIMIT NË LOTE, ME OBJEKT: “BLERJE ÇAKËLL
MAKINERIE (SP 1-100 MM) PËR RRUGË URBANE DHE RURALE NË BASHKINË
DIVJAKË”**

I mbajtur sot, më datë _____._____.2026, nga anëtarët e Njesisë së Prokurimit, për përcaktimin e arsyeve për mosndarjen e procedurës në lote, përkatësisht për procedurën e prokurimit me objekt: **“Blerje çakëll makinerie (sp 1-100 mm) për rrugë urbane dhe rurale në Bashkinë Divjakë”**, me fond limit: **15,000,000 (pesëmbëdhjetë milion) lekë pa Tvsh nga Granti i Bashkisë Divjakë.**

Burimi i financimit: **Granti i Bashkisë Divjakë**

Për vitin 2026: 3,333,333.33 (tre milion e treqind e tridhjetë e tre mijë e treqind e tridhjetë e tre e tridhjetë e tre të qindat) lekë pa Tvsh nga Granti i Bashkisë Divjakë

Për vitin 2027: 5,833,333.33 (pesë milion e tetëqind e tridhjetë e tre mijë e treqind e tridhjetë e tre e tridhjetë e tre të qindat) lekë pa Tvsh nga Granti i Bashkisë Divjakë

Për vitin 2028: 5,833,333.33 (pesë milion e tetëqind e tridhjetë e tre mijë e treqind e tridhjetë e tre e tridhjetë e tre të qindat) lekë pa Tvsh nga Granti i Bashkisë Divjakë

Vlera e fondit limit në monedhën ndërkombëtare euro sipas kursit të Bankës së Shqipërisë është 164 114 (njëqind e gjashtëdhjetë e katër mijë e njëqind e katërmëdhjetë) euro pa TVSH

Kursi zyrtar i këmbimit sipas Bankës së Shqipërisë për monedhën euro në datë 22.09.2026 është 91.40

Në kreun V, Neni 42, pikat 1 dhe 2 të VKM-së Nr.285, datë 19.05.2021 **“Për miratimin e Rregullave të Prokurimit Publik”** i ndryshuar, parashikohet shprehimisht se:

1. Autoriteti/enti kontraktor e ndan një kontratë në lote sa herë kjo është e mundur. Në çdo rast, duhet të përcaktohet qartë madhësia dhe objekti i këtyre loteve.

2. Autoriteti kontraktor, në procedurat e prokurimit mbi kufirin e lartë monetar, në rast se vendos të zhvillojë procedurën e prokurimit pa e ndarë në lote, duhet të parashikojë një përcaktim të arsyeve kryesore për këtë vendim, i cili bëhet pjesë e dosjes së tenderit.

Ky detyrim nuk zbatohet në rastin e kontratave sektoriale.

Referuar Ligjit Nr.162, datë 23.12.2020 **“Për prokurimin publik”** i ndryshuar, neni 2 parashikohet shprehimisht se: **“Qëllimi i këtij ligji është:**

a) të rrisë efikasitetin dhe efikasitetin në procedurat e prokurimit publik;

b) të sigurojë mirëpërdorim të fondeve publike dhe të ulë shpenzimet procedurale;

c) të nxisë pjesëmarrjen e operatorëve ekonomikë në procedurat e prokurimit publik;

- ç) të nxisë konkurrencën ndërmjet operatorëve ekonomikë;
d) të sigurojë një trajtim të barabartë dhe jodiskriminues për të gjithë operatorët ekonomikë, pjesëmarrës në procedurat e prokurimit publik;
dh) të sigurojë integritet, besim publik dhe transparencë në procedurat e prokurimit publik.

Në zbatim të neneve të sipërpërmendur, Njësia e Prokurimit gjykon se kjo kontratë nuk mund të ndahet në lote për arsytet e mëposhtme:

Së pari, arsyeja kryesore e mosndarjes së procedurës së prokurimit në lote, është se referuar preventivit të procedurës së prokurimit dhe specifikimeve teknike të saj, Autoriteti Kontraktor e ka të pamundur teknikisht ta ndajë këtë kontratë në lote të veçantë, pasi do e bënte shumë të vështirë për t'u menaxhuar, duke qënë se kemi të bëjmë me një natyrë të vetme malli. Ndarja në lote, nuk do të sillte përfitim ekonomik apo teknik për Autoritetin Kontraktor, por do të rriste kostot administrative të menaxhimit dhe monitorimit të kontratave, si edhe do të sillte vështirësi në koordinimin e furnizimeve. Për rrjedhojë, mos ndarja në lote, është zgjidhja me efikase dhe ekonomike për realizimin e objektit të prokurimit.

Së dyti, duke u nisur nga nevoja e Autoritetit Kontraktor, e cila konsiston në blerjen e mallit objekt prokurimi të domosdoshëm për shtrimin dhe mirëmbajtjen e rrugëve urbane dhe rurale me çakëll makinerie (sp 1-100mm), si edhe kryerjen e punimeve në disa Njësi Administrative të Bashkisë Divjakë, në një afat kohor prej 12 (dymbëdhjetë) muajsh, që për më tepër ndodhen në distanca të gjata nga njëra-tjetra, krijimi i marrëdhënies kontraktore me disa operatorë ekonomikë, ku AK-së do ti duhet të presë furnizimin e të njëjtit mall nga njëri operator dhe nga operatori tjetër, sipas loteve, ofron pasiguri, konfuzion, vonesa duke vështirësuar në ushtrimin e detyrave të AK-së, apo mosrealizim të punëve sipas objektivave. Për rrjedhojë, kjo procedurë duhet të kryhet nga një operator ekonomik, i cili do të shpallet fitues, në mënyrë që kryerja e shërbimit të jetë sa më efikase në organizmin e punës. Pra, ndarja në lote është e pamundur, pasi vetë objekti i procedurës së prokurimit, parashikon blerjen e vetëm një lloji malli, gjë që është e pamundur të ndahet në lote, pasi do të bënte të pamundur realizimin e kontratës, ndaj Autoriteti Kontraktor, ka vendosur që këtë procedurë ta zhvillojë pa e ndarë në lote.

Së treti, mos ndarja në lote e procedurës së prokurimit, nuk e kufizon tregun, pasi kriteret e hartuara në Dokumentet Standarde të Tenderit, janë gjithëpërfshirëse, specifikimet teknike janë hartuar në mënyrë të tillë, që tu jepet hapësirë dhe mundësi të gjithë operatorëve ekonomikë të interesuar për tu bërë pjesë e kësaj procedure prokurimi.

Në VKM-në Nr.285, datë 19.05.2021 **“Për miratimin e Rregullave të Prokurimit Publik”** i ndryshuar, Kreu XI, Neni 88, është parashikuar:

1. Oferta mund të paraqitet nga një bashkim operatorësh ekonomikë, sipas përcaktimit të pikave 2 dhe 3, të nenit 14, të LPP-së, ku njëri prej të cilëve i përfaqëson të tjerët gjatë procedurës dhe, në rast përzgjedhjeje, edhe gjatë zbatimit të kontratës. Në ofertë duhet të përcaktohet pjesa e shërbimit, punës ose furnizimit, që do të kryejë secili nga anëtarët e këtij bashkimi nëpërmjet një kontrate bashkëpunimi të hartuar ndërmjet palëve.
 2. Anëtarët e bashkimit të operatorëve ekonomikë caktojnë në kontratën e bashkëpunimit ndërmjet tyre përfaqësuesin e tyre për dorëzimin e ofertës. Kjo kontratë bashkëpunimi duhet të dërgohet së bashku me kualifikimet dhe ofertën ekonomike, e cila duhet të nënshkruhet nga përfaqësuesi. Përfaqësuesi duhet të bëjë edhe sigurimin e ofertës, duke specifikuar pjesëmarrjen në bashkimin e operatorëve ekonomikë.
 3. Secili prej anëtarëve të këtij bashkimi duhet të përmbushë kërkesat e parashikuara në nenin 76, të LPP-së, dhe ato të përcaktuara në dokumentet e tenderit. Kërkesat për kualifikim: ekonomike, financiare, profesionale dhe ato teknike, duhet të përmbushen nga i gjithë bashkimi, në përputhje me përqindjen dhe/ose natyrën e pjesëmarrjes në punë, shërbim apo furnizim, të përcaktuara në aktmarrëveshje.
- Kur oferta paraqitet nga një bashkim operatorësh, kushti i përcaktuar në shkronjën “a”, të pikës 5, të nenit 39, të këtyre rregullave, plotësohet nga anëtari, i cili ka përqindjen më të

madhe të pjesëmarrjes në bashkim. Anëtarët e tjerë të bashkimit do të paraqesin kontrata të ngjashme, në raport me përqindjen e pjesëmarrjes së tyre në bashkim. Në rastin kur operatorët ekonomikë, anëtarë të një bashkimi, kanë të njëjtën përqindje pjesëmarrjeje në bashkim, vendosin me marrëveshje në kontratën e bashkëpunimit se cila prej tyre do të përmbushë këtë kusht.

Referuar sa më sipër, legjislacioni i prokurimit publik, njeh gjithashtu të drejtën e shoqërive për t'u bashkuar për të përmbushur një kontratë prokurimi, në kushtet kur kjo kontratë nuk mund të realizohet nga një operator ekonomik.

Në rastin konkret, ndarja në lote e procedurës së prokurimit, do të komplikonte furnizimin e kërkuar, i cili nuk mund të copëzohet. Theksojmë se ndarja ose jo, e kontratës në lote, është një vendim i rëndësishëm që Autoriteti Kontraktor merr gjatë procesit paraprak, pasi ndikon drejtpërdrejt në nivelin e pjesëmarrjes së operatorëve ekonomikë në këtë procedurë prokurimi. Kjo bëhet duke mbajtur në konsideratë elemente të tilla si: tregu, konkurenca e mundshme, vlera e prokurimit, etj., dhe veçanërisht faktin nëse objekti i kontratës është një punë/shërbim/mall për të cilin ofertuesit janë të pakët, pra, gëzojnë në një farë mënyre të drejtën e prodhimit, apo distribucionit.

Theksojmë se, kjo procedurë, është një procedurë e cila realizohet në mënyrë të përvitshme nga Autoriteti Kontraktor Bashkia Divjakë dhe për vetë rendësinë dhe specifikat e veçanta që ka realizimi i këtij furnizimi, si edhe referuar faktit se kemi të bëjmë me një natyrë të vetme malli, ndër vite është realizuar e përqendruar në një kontratë.

Si përfundim, për shkak të arsyeve teknike dhe organizative të përmendura më lart, kjo procedurë për vetë rendësinë dhe specifikat e veçanta që ka realizimi i këtij furnizimi, si edhe referuar faktit se kemi të bëjmë me një natyrë të vetme malli, gjykojmë se realizimi i procedurës në një kontratë të pa ndarë në lote, është një veprim i drejtë, në përputhje me legjislacionin e prokurimit publik, që do të shoqërohej me mirëorganizimin e operatorit për sigurimin e mallit në kohë, sipas kërkesave dhe nevojave të AK-së.

NJËSIA E PROKURIMIT